

مستزید ایچون

طریقت عالیہ نقشبندیہ نیک آدابی میں

بر مکتوب صورتی



ایکسجی طبی

نجم استقبال، طبعہ سی

۱۳۴۲

بسم الله الرحمن الرحيم

مکتوب صورتی

دانا و آگاه اولیکز که سزک و کافه ناسک سعادت دینه و دنیوی سی
مولای حقیقی اولان ذات حق جَلَّ و علانک اسم مبارکنک ذکر
ایله اوقاتی معمور ایلمکله حاصل اولور .

شو قدر که : یا بر مرشد کاملدن و یا خود مرشد کاملک آداب
طریقت و شریعت بدعله ایجاد ایتمهین صحیح الانتساب مأذونلرندن
اخذ تعلم ایتمکسزین ذکر ایله اشتغال اولنورسه فائده سی قلیل و بلکه ده
عدم اولور. زیرا اذنی ذکر عمل مقربین اذنسز ذکر عمل ابرارد.
[حَسَنَاتُ الْأَبْرَارِ سَيِّئَاتُ الْمُقَرَّبِينَ] آنک حقنده واردر اولمشدر.
سزک آره صیر. ذکر ایله مشغول اولدیغکیزی فقط اذن آلامد.
یغکیزی بیلدیگمدن مفصلاً یا زیورم تکرار تکرار اوقویوب
حفظ ایدیکنز. ذکر کلمه سی عربیدر. تورکه معناسی آکمی یعنی
خاطر لامقدر. خاطر لامق ایشه اوصاف قلبیه دندر. لسانک آندمدخلی
یوقدر. بناء علیه ذکر متعارف اوج قسمدر :

۱- . یا لکز ذکر لسانی [یعنی قلب برابر اولمادینی حالد
یا بلان ذکر] درکه منفعتی آذر . [وَ يُلِّقُ لِلْقَاسِيَةِ قُلُوبَهُمْ عَنْ
ذِكْرِ اللَّهِ] آیت کریمه سی آنک حقنده واردر .

۲ — یا لکز ذکر قلبی در که لسانک آند. حظ و مدخلی یوقدر.
ایشته بزم طریقه نقشبندیه به مخصوص ذکر بودر. [اَدْعُوا رَبَّكُمْ
تَضَرُّعًا وَخِيفَةً وَذُوقُوا الْجَهَنَّمَ مِنَ الْقَوْلِ، اَلَا بِذِكْرِ اللَّهِ تَطْمَئِنُّ الْقُلُوبُ،
وَادْكُرْ رَبَّكَ فِي نَفْسِكَ] و امثالی آیات کریمه و حسابسر احادیث
شریفه و آثار صالحین ایله ثابت اولمشدرد.

۳ — . ذکر لسانی مع القلب اولان ذکر در اکابر و اعظم
اهل الله درجات عالییه و صولارندن صکره آجق بونوع ذکر ایله
مشغول اولایلورلر.

بزم بیوکلر منک ذکر قلبی اول فخر عالم صلی الله علیه
وسلمک هجرت کیجه سنده غار توردده ابوبکر الصدیق رضی الله تعالی
عنه به صورت خفیه ده دیزاوستنده او طورده رق کوزلرینک قیامه سنی
امر الله تعلیم بیوردقلری ذکر در.

و بوطریقه علیه ده معمول به اولان رابطه شریف [کُونُوا مَعَ الصَّادِقِينَ]
[وَاذْكُرْ نَفْسَكَ مَعَ الَّذِينَ يَدْعُونَ رَبَّهُمْ] آیات کریمه و [ذکر الاولیاء یَنْزِلُ
الرَّحْمَةُ] حدیث شریف و سایر آیات و احادیث ایله ثابت اولمشدرد و بلکه
ماوراءالنهر و بخاراده اون ایکی عصرلق اعظم علمای خفیه بک سلوکری
و تسلیمکری صر سنده معمول بهلری اولمشدرد. هر کون وردایدردک
صباح و یاخود آفتام نمازندن صکره و یاخود مناسبت کورد بککز
وقتده ایدستلی تمیز بر رده ممکن مرتبه خالی اولارق او طورور سکنر
قلبه به متوجه کمال ادبانه کوزلر بکزی قیاس سکنر. لسان الله دخی بکرمی

بش کر: استغفر الله دیرسیکنز وهر کره سنده معناسنی برابر اولارق
سویلر سکنز صو کرا :

برقامجہ! وچ اخلاص فخر عالم صلی الله علیه وسلم ایله شیخ محمد
بہاء الدین شاہ نقشبندہ وغوث اعظم عبدالقادر کیلانی بہ قدس الله تعالی
سرہمایہ اہدا ایدر و قلباً آنلرک روحانیتندن استمداد ایدر سکنز کہ بنی دہ
طریقہ کزک مریدانندن محسوبین و منسوبینندن عد ایدیکنز .

اخلاص شریف علاوہ ایتمکسزین یالکنز برقامجہ دہا فخر عالم علیہ الصلاۃ
والسلام ایله امام ربانی مجدد الف ثانی شیخ احمد فاروقی سرہندی و مولانا
خالد بغدادی قدس الله تعالی اسرارہمایہ اہدا ایلر آنلرک دخی روحانیتندن
کنڈیلرینک مریدان و محسوبین و منسوبینی عدا یتلرینی رجا ایدر سکنز .
اخلاص برابر اولیہ رق برقامجہ دہا او قورسکنز مثل ثوابنی فخر
عالم صلی الله علیه وسلم ایله سید عبداللہ و سید طہ قدس الله تعالی اسرارہمایہ
اہدا ایدر باطنلرندن استفاضہ ایلر سکنز .

برقامجہ دہا فخر عالم صلی الله علیه وسلم ایله سید محمد صالح و سید
فہیم قدس الله تعالی اسرارہمایہ اہدا ایدر باطنلرندن استفاضہ ایلر سکنز .
آندن صکرہ مختصر اولارق (تذکرہ موت) یعنی کنڈیکزی
بالفعل میت و تناسیر تحتہ سی اوزرنده کفنہ طارلمش و تابوتہ قوللمش
و مزاردہ دفن ایدلمش اولہ رق خیالکزدن کچیرر سکنز . مزاردہ
اولدینکزی حالہ مرشدی و پیری و وسیلہ سی واللہ تعالی ایله آرہ سنده
واسطہ سی اولان ذاتک قارشوسینده کنڈیکزی فرض ایدہ رک ناصیۃ

علیه سنه یعنی ایکی قاشی آراسنه باقار کبی اولورسکنز . کال عزم و محبت ایله [وَابْتَغُوا إِلَيْهِ الْوَسِيلَةَ] آیت کریمه سنه امتثالاً آنک سیمای علیه سنی خزانة خیال کزده و یا خود قلب کزده خیال طریقله طور دو ژرسکنز . بوکا رابطه دیرلر . متعدد آیات کریمه و احادیث شریفه و آثار سلف صالحین ایله مثبتدر . طرق علیه نک کافه سنده و باخصوص طریقته علیه نقشبندیه ده مهم بررکن صلاحتمدر . بونک اقلی بر ربیع ساعتدر . دها آز اولورسه تأثیری دنجی آز اولور .

مقرر در که : رابطه سز ذکر موصل دکلمدر . ذکر سز رابطه موصل در . رابطه هر امرده پیشوادر . خصوصیه ذکرده ممد و معاوندر . خلوه خانه خاص الهی اولان قای تلویثات نفسانیه و تلییسات شیطانیه دن تطهیر ایدر . سلطان مثابه سنده اولان ذکر و رودینه استعداد حاصل اولسون ایچون التزام ایدلمشدر .

رابطه اوج قسمدر :

بررسی پیرک صورتی خزانة خیالنده تصور ایتک در بوقسم ذکرک ابتداسنده لازمدر .

۲ — . پیرک صورتی قلبنده تصور ایتک بوقسم ذکر اثناسنده بلا اختیار ظهورنده قلبنده طور دوره رق ذکر ایتمکدر .

۳ — . پیرک قیافت و هیئتنده کندوسنی کوره ک و تصور ایتک کاته عیناً پیدر . کندیبی دکلمدر . بوقسم عبادته مخصوصدر . مثلاً حافظدن قرآن کریم استماع ایدرکن کوزلرینی قنار و کندینی پیرک

قیافتند. فرض ایدوب دیکلر کاته پیردر او دکلدر ، کذا قرآن کریم
ودلائل الحیرات او قورکن درس و وعظ دیکلر کن نماز قیلار کن کندیسنی
مرشدک قیافت و هیئتند فرض ایدوب قیام ، قعود و قرائتی یاپان کاته
کندیسنی دکل پیردر .

شویولده نماز و ذکر و عبادتک خلاوت و لذتی بشقه بشیء در .
کاته حضور الهی یه او حضوره لایق برواسطه ایله کیریلور . [وَابْتَغُوا
إِلَيْهِ لَوْ سَبَلَةً] آیت کریمه سنه امتثال ایدیلور . رابطه نك خارجی بشقه
بر قسمی واردر . علی الدوام کندیکزی پیر ایله برابر بولندر مش
اولیور سکر . بو ، [کُونُوا مَعَ الصَّادِقِينَ] آیت کریمه سنک مقتضای منیفی
ایفادیمکدر . بویولده عمل ایدن سـالک چابوق ترقی ایدر و مدارج
قرب الهی یه واصل اولور . بوکا رابطه تابسیـیه دخی دیرلر شمدی
مرید رابطه تلبسیـیه ایله متلبس اولدینی حالده قلبیه متوجه اولور .
قلب ایتسه صول بمه نك آلتنده ایکی پارمق آشانی اوچنجی پارمق
یرنده بر پارچه اته تعلق ایتش بر قوه نورانیه در . او پارچه ات عادتاً
یمورطه یه مشاهددر . سیوری باشی صول قابورغه نك آلتنه قلین باشی
ایجری یه طوغری گیرمشدر .

بوکا قلب صنوبری دیرلر . قوه نورانیه یه قلب حقیقی دیرلر .
قلب صنوبری قلب حقیقی یه حجره ویووا کی در .

ذاکر وجودینی اذیته و جفایه و آغری یه بر اقامق صورتیله کمال
ادبانه نمازده اوطورور کی اوطورور . و باشی و وجودینی آزیحق

قلبه میل ابتدا یرر . کوزلرینی یومار یعنی قبار زیر کوز قلبك دللی
وقلاوزی دیمکدر . کوز نه ایله مشغول اولور ایسه قلب دخی آنکله
مشغول اولور . بناء علیه خواس ظاهرینی معطل اولوق لازمدر .
وجودینک هیچ بر عضوی اختیار ایله حرکت ایتیه جکدر . دوداقلرینی
بر برینه یاپشدیرر لسانی داماغنه الصاق ایدر . کلمه جلاله اللهی خیال
طریقیه اول قوه نورانیه اوزرنده اجرا ایدر . یعنی لسان خیال
ایله کمال ذوق ، کمال شوق ، کمال حرمت ، کمال توقیر و کمال تعظیم
ایله معناسنی لیس کیشله شی آیه جلیلله سنه توفیقاً هیچ بر شیئه مشابه اولیان
و هیچ بر شیئک اوکا مشابه اولمادیغی بر ذاتک اسمی اسم جلیلی بولنان
الله ، الله ، الله دیه سویلر برابر هیچ بر صفتی تصور ایتمز . حتی حاضر
و ناظر دیه تخیل ایتمز . تسبیحنی آلوب صاغ النک باش پارمقلریله
الله ، الله ، الله دیه رک تسبیح دانه لرینی آتار . قلبه بر خاطره نك خطورینه
میدان ویرمه مک صورتیه کندیسنه قولای کوردیکی تقدیرده کمال
سرعتله و یاخود یواش ، یواش ذکر ایدر . ذکر هر حالده قلبك
حوالیسنده اولوق کر کدر .

ذکرک ورد یومیسنک اقلی بش بیک اولمیدر . فقط بوقدری
آزدر رمضان شریفه مخصوص اولوق اوزره اون بش بیک رمضان
خارجده ایشک اولدیغی تقدیرده یدی بیک اولمادیغی تقدیرده ینه
اون بش بیک اولمسی اولی واحراردر .

ذکرک بوندن زیاده تقریر و تحریری امکان خارجی در . کثرت
ذکر ایله ذکرک کیفیت معلوم اولور . فارسی ده دیمشلددر .

خوب کردن از برگردن است

یعنی ذکر یابی و کوزل یا بمق چوق یا بمق ایله اولور. ینه فارسی ده دیملر در

ذکر کو ذکر تا تراجا نیست

پاکی دل ز ذکر رحمانست

یعنی جان بدنده ایکن ذکر ایت زیرا قلبک تمیزلی ذکر ایله اولور. ینه فارسیده دیملر در :

مرچه جزه ذکر خدای احسن است

کرشکر خردن بود جان کنده است

یعنی ذکر حقدن غیری هر نه اولور سه اولسون جان چیقار مقدور.
بحسب الحقیقه ذکر ایله قلب طاهر اولور. ذکر ایله محبت الهیه حاصل اولور.
ذکر ایله عبادتک لذتی طویولور. ذکر ایله عقیده اسلامیه قوتلنور.
ذکر ایله نمازه ذوق و شوق ایله کیریلور. ذکر ایله احکام شرعیه یسر
و سهولتله اجرا اولنور. ذکر ایله تقلید یلکدن وجدان یلکه ترقی ایدیلور.
وَ اذْکُرُوا اللهَ کَثِیْرًا بُو حَالِه اِشَارَتِدِر.

بس کنم بس زیر حائر این بس است

زبانکه دو کردم اگر و ده کس است

بوی دخی بیلیمک کر کدر که :

طریقت علیه انتساب ایتیمک اولاتوبه ثانیاً استخارویه توقف
ایدر. مکتوبک وصولنده آرزو وار ایسه شرائطنی جامع بر توبه

یعنی یاربى حين بلوغمدين بو آنه قدير ارتکاب ايتديکم معاصيدن ندامت ايتدم. پشيان اولدم. وشمديد نصکزه ان شاءالله تعالى معاصی ده بولنامه عزم و جزم ايتدم دیر سکز تفصیل معاصی به حاجت یوقدر. زیر اطریتتمزده توبه تدریحیدر. دفعه دکلدر. تفصیانی مرورایامه براقشلدرد. آند نصکزه علی العاده بر غسل ایتک لازمدر. بوده اغسال مسنونه دندر. بو طریقه علیه ک هر حال وشانی سنن سنیه پیغمبریه اتباعدر. شریعتدن خارج وسنتدن فضله برشیی یوقدر. غسلك عقینده برکیجه استخاره ایتک لازمدر. بوسنتدر. نیت ایتدم استخاره به دیر کیجه ایکی رکعت سنت استخاره قیلارسکز. برنجیسنده قل یا ایها الکافرون ایکنجیسنده قل هو الله احدی ضم سوره اوله رق او قورسکز. آندن صکره بهر کون بو تفصیل اوزره ذکر ایدرسکز الله تعالى موفق بیورسون. اوراده اوقونان ختم خواجکان تمامی تمامه بزم طریقتمک آدابنه موافق ایسه سز دخی اوطور ورسکز. دکل ایسه اوطورمغه حاجت یوقدر. شبه ایتدیکنکز یعنی آکلایامدیکنکز شیلر اولور ایسه بزه یازارسکز. جوابی کوندرزم باقی توفیق حق جل و علا دندر. دعای حسن خاتمه دیلرم برادرم. ذی القعدة سنه ۱۳۴۱ ۳۱ مایس سنه ۳۲۹

الحمد لله رب العالمین

عبدالله بن محمد بن عبدالمطلب

آرواسی زاده

عبدالحکیم

اَجَبَادَن بَر ذَاتَك بَوْمَكْتُوبَه جَوَابِي صُورَتِي

سرتاجم نور قلمم افندم حضرتلری

مجرد همم وامداد مرشدانه لریله سهولتله او قودم . تماماً یازدم .
 کوزل یازی ایله برنسخه سنك افندیمنك كتبخانه سنده بولمسی بالآ خره
 اقتضا ایدرسه کوندرلمسی عقل قاصرانه مه موافق کلیور . زیرا بو-
 مکتوب عالی قیمتی پك عالی در . پك اوزون زمانلرده سالک ساعیلرك
 واقف اوله مدقلری اسراری جامعدر . پك مجمل زیاده مفصلدر .
 قلبك خارجاً التیامی داخلأ شفاسی تمامیه تشریحاً کشف اوله رق
 چاره ودوای تامی زماننك حائنه ، لسانه ، مزاجنه کوره الحاصل
 حقیقه حکیمانه بر صورتده تعداد وارائه بیورلمشدر .

بومکتوب کیمك یاننده بوانورسه منهاج حقیقت بیلسون .
 بر مرید عاشق یا بر مراد معشوق افندیمنی اولقدر حرز جان
 ایله سوسونكه بتون قلب محبتیه بلع ایتسون ارض وسما وما بینهمایه
 بر ذره عطرنی دخی استشمام ایتدیرمه مك قصدیه قیصقانسون اکر
 اوله برهنه مالك اولسه ایدم سودیکمی خدای خالق وقادر کل شی
 حضرتلرندن دخی قیصقانیردم . بونکه برابر بیلورم که : اللهمن بشقه
 بواقنداره کیمسه مالك دکلدر . چونکه الملك لله الواحد القهار
 بیورمش وجوابی ویرمش بتیرمشدر . ۱۰ حزیران ۳۳۹ عبدکم



طریقت علیہ نقشبندیہ دہ معمول بہا اولان
رابطہ شریفہ نک کیفیتی ایلہ اثباتہ دائر
رسالہ در



مؤلفی

السید عبدالحکیم

بِسْمِ اللَّهِ الرَّحْمَنِ الرَّحِيمِ

قال الله تعالى

يَا أَيُّهَا الَّذِينَ آمَنُوا اتَّقُوا اللَّهَ وَكُونُوا مَعَ الصَّادِقِينَ

رابطه

رابطه واصل الى الله اولغه مستقل بریولدر .

قیوم ربانی شیخ محمد معصوم بیوردیلرکه: رابطه یالکزموصلدر
ذکر یالکزموصل دکلدرد .

رابطه؛ هر برطر یقده لازمدر . لازم دکلدرد دینلر یارابطه مک
نه دن عبارت اولدیقتی بیلنلردن دکلدرد ویاخود طرق علیه مک مفهوم
ومنطوقنی نظر مطالعه یه آلمانلردندرد .

رابطه : صفات الهیه ذاتیه ایله متحقق مقام مشاهدیه واصل بر
کامل مکمل ایله ربط قلب ایلوب حضور و غیابنده اوزاتک صورتنی
خزانة خیالنده حفظ ایتمکدن عبارتدر . « هم جلساء الله » کلامیله
ذکر دن فائده لر حصول بولسی کی کرک رؤیت خیالیله وکرک خیالنده
حاضر ایکن رؤیت بصریه سندن « هم الذین اذا رؤوا ذکر الله »
کلام حکمت اتسامنک مقتضاسیله وصوله طائده فائده لر حاصل اولور .
سالك صادق ، مرشد کاملک شوووجهله صورتنی خیالنده حفظ

اتمکله آنک اوصاف واحواليله صدق و اخلاص و سعی واستعدادی
نسبتنده متحقق اولور . مطلوب حقیقی ، فنا فی اللهک مقدمه سی
اولان فنا فی الشیخک محققندن عبارتدر . احادیث نبویه ده جلیس صالح
اتخاذ اتمکه حث و ترغیلر واردر . ذات اقدس الهینک بحر محیطندن
میرابه مشابه اولان قلب مرشددن ، فیض الهی ، مرید مرابطک
قلبه اخلاص و محبت نسبتنده نازل اولور . سلسله نک ، کندی مرشدندن
فخر عالم صلی الله تعالی علیه و سلمه قدر اولان ذواته مخلص و خصوصیه
شرعشریف غرای احمدیه به کمال اتباع ایله تابع و شیخ مقتدابه
ارتباط معنوی ایله مربوط بولنمق شرطدر .

رابطه دن یعنی صورت شیخک ، خزانه خیالده محافظه ستدن بر
سکر و غیبت یعنی یخودی حصول اولور ایسه در حال اوصورتدن
التقانی ترک اندرک بولوندیغی حال یخودی به متوجه اولور .

خواجه نقشبندک مجلسنده طریق رابطه ایله مشغول اولان
سالکاردن بری صورته متوجه اولوب اوطور بر ایکن غیبت و یخود لکدن
برابر حصول بولنجه اوائره التفات ایتیموب ینه صورته اولان توجه یله
مشغول اولسی اوزرینه شاه بیوردیلر که بنی بیراق او حصول بولان
غیبت متوجه اول زیرا اول زمان ماسوادن غیبت زمانیدر که اوکا
زمان وصول و شهود دیرلر . معلوم اولسون که بویول ایله الله و اصل
اولیق شیخ کامل مکملک محبتنه و رابطه ینه مربوطدر . شیخ مقتدانک
حال سلوکنده بویولی سیر مرادی ایله قطع ایتیمی و جذبه رحمانیه
و کالات مرادیه ایله منصبغ اولسی شرطدر . بویله بر ذاتک نظری ،

امراض قلبیه بی شافی و توجہی علل معنویہ بی رافع و دافع مدر. بوکالات
صاحبی امام الوقت و خلیفۃ الزماندر. اقطاب و بدلا، آنک مقاماتنک
ظلالیلہ قانع؟ اوتاد و نجبا آنک بحار کلاتندن برقطره ایله متسلیدر
قرون متطاولهده بر وجوده کلیر. وفاتیلہ شمس تابان فیض، افول
یولماز. قبرنده دخی چوق زمان قلوب عباده افاضه علوم ربانیه
و معارف الهیه ایله تصرف ایدر. [*] اونک ارشادی نورشمسه
مشاہددر. قصد و اختیار سز کافه عالمه فائزدر. خصوصیلہ قصد و اختیاری
متضم اولورسه! طائفة نقش بندیه نک آکا ارتباطی حی در، نسبتی
انعکاسیدر و انصبابی و انصباغیدر. قرب و بعدده تفاوت ایتمز. بویولده
افاده و استفاده حی، انعکاسی و انصباغی اولدیغندن سالک شیخ مقتدا سنه
رابطه محبتیلہ ساعه فساعه آنک لون و صبغیلہ منصع اولور. طریق
انعکاس ایله آنک نوریلہ تنور ایدر. بوضورت افاده و استفاده علم
و اطلاع شرط دکلدر

تمثیل: اولیای کرام مرشدین عظام، قاوونک حرارت شمس
ایله آن یان پیشوب، منطبخ اولسی کی سالک، مرشدک تربیه سنده

[*] قال الشيخ أبو الحسن الشاذلي

من الأولياء من ينفع المرشد الصادق بعد موته أكثر ما ينفعه حال حياته ومن
العباد من تولى الله سبحانه وتعالى أمره بواسطة روحانية بعض أوليائه ولو كان
ميتاً في قبره فيرى مرشدته وهو في قبره ويسمع مرشدته صوته من القبر كما وقع
لأبي الحسن الحرقي مع شيخه أبي يزيد الطائي

تدریجی تدریجی ترقی ایدر . مرور ایام الله تسویه حاصل اولور ،
 نفخ نفس رحمانی به استعداد کسب ایدر . شمسک ، تربیه سیله منطبع
 ومنطبخ اولان قاوونک ، پیشه سینه علمی ایرمدیکی کی ؛ قاوونک
 دخی تربیه سی زه دن اولدیغنه علمی ایرمیور . بو حال ، جذبه نک
 سلوکه تقدیمه کاله واصل اولان رهبرلرده واردر . سلوکی جذبه به
 تقدم ایدن سالکینک ایسه احوال مسترشدینی بیلرسی لازم و ضروریدر .
 نرم بو طریقته مزه مان بلا زیاده ولا نقصان صحابه کرام طریقته
 طریق جذبیدر . بونده مرشدک تسلیکنده ، مسترشدک انسلاکنده
 اطلاعلری اصلا شرط دکلدیر . ولی نک و لایتنه و کذلک خوارقنه
 علیم و اطلاعی شرط دکلدیر . بناء علیه مسترشدک رابطه محبتیه و یا خود
 مرشدک توجهیه سالک ، منهای مقاصده واصل اولور . معلومدرکه ؛
 بویه جامع کمالات فردیه اولان ذات عزیزالوجوددر . قرون بعیده
 و ازمنه طوبه ده بوقسم کومربی قیمت وجوده کاور . آنک ظهوریه
 عالم ظلمانی منور اولور . بالاده ذکر ایدلیدی کی اوندن اوچ صورته
 استفاده قابلدر :

(۱) نجیسی : بر شخصک حالنه متوجه اولور . انشای توجهده دل
 طالبده کو بار «روزنه» = دریچه - « آچیلور . سالک توجه و اخلاصی
 قدرنجه او یولدن ، او دریادن قنار .

بر لب اقامه زبان سکیم و تشنه لب

آرزومندی نمی از بحر احسانی توام

بو قسمده سالکک فیضی نرودن کلدیکنه علمی شرط دکلدرد.
(۲) نجیسی : شخص سالک استعداد و اخلاص جهتندن آنک
قلبه متوجه اولور ، توجهده اودریادن ، جنینک والدهسی مهستندن
سوت امرکی استفاضهده بوانور . ایکیسی بردن قابل اولور ایسه
ریاق شافی و کبریت احمردر.

(۳) نجیسی : شخص سالک قلبنده کلمه جلاله نك کثرت ذکرندن ،
مرشدک بر بحر محیط منجمده مشابه اولان قلب عالیشان سالکک
قلبه ذکرندن حاصل اولان اخلاص و محبتدن آچیلان دریچه و روزه
نهدن انعکاس و انصباب طریقله رشد و هدایت قاض اولور . بوجالده
هرایکسی بر برینک ذاتلرینی بیلمک و آکلامق شرط دکلدرد . اگر
مسترسد مجرای فیضی بر بدعه ایله و یا خود اهل سنت مذهبه مخالف
بر اعتقاد ایله و یا خود جوهر نفیس استعدادینی بر نااهله تودیع ایله
افاته واضاعه اندر ایسه بو اوج صورت استفادهدن محروم اولور ،
مجرای حیرته دوشر .
رابطه متعارفه بر قاچ قسمدر :

برنجیسی : سالکک شیخ کامل مکملک صورتی اوکنده تصور
ایدوب ایکی قاشی آرمه سینه خیالی اوله برق امتداد نظرله اوصورتده
اولان روحانیه متوجه اولمقدرکه اثر جذب و غیبت و یخودلق حاصل
اولنجیه قدر بو توجه و نظری ادامه ایدر : غیبت حصه ولنده یوقاریده
بیان ایدلدیکی کبی رابطه یی بیراقوب او جاله متوجه اولور .
ایکنجیسی : سالک کندیسی مرشدک قیافتنده بولوب کندندن

چمکدر . صورت مرشد ایله متلبس اولدیغندن بوکا «رابطه تلبسیه»
تسمیه ایدلمشدر . بو حالد ذاتی ذات مرشدده ، صفاتی صفات
مرشدده افتاتمک مرشدک روحانیتی کالاتیله برابر صورتینده کورمکه
اولور . زیرا کالات روحانیتدن مفارقت ایتمز . مرشدک روحانیتی
الله تعالی یه ایصال ایدنجیه قدر سالکی تربیه ایدر .

اوچنجینسی : صورت مرشدی اوکنده فرض ایدرک قلبنک وسطنه
ایندیرمکدر . قلبی بردهلیزواسع فرض ایدرآنی ده اودهلیزده کورور .
بو قسم رابطه سالکه ! نعمدر .

خواطری جمله واحده اولارق قطع ایدر . رابطه نک اقسام
سائر سی وار ایسه ده بیانک زمانی ورود ایتمه مشدر .

معلوم درکه : رابطه شریفه قوت و لایتله متصرف اولان
انسان کامله اولمغله آنحق معتبردر . مرشدک بومرتبه ده بولومسی
بحسب الواقع و بحسب الاعتقاد شرطدر . بریسی کافی دکدر . بحسب
الواقع کافی اولسه ایدی اولیا و ایپانک و جودلری کافی کلیدی .
ابولهب و ابوجهل بوحاله شاهددرلر .

مرکراروی به بهبودن داشت

دیدن روی نبی سوذن داشت

بحسب الاعتقاد کافی اولسه ایدی عبده اوئان اعتقادلری حسیله
مستفید اولق کرکدی بوشرطک فقدانده بر اثر حصولتولورایسه
سرآب قیلنددر حقیقی دکدر [فَلَا تَكُنْ مِنَ الْغَافِلِينَ فَإِنَّ هَذَا
مِنْ مَزَالِقِ الْأَقْدَامِ]

انسان کامل ، خلیفۃ اللہ اولیٰ اعتباریہ حق سبحانہ و تعالیٰ تک
 مرآتیدر . انسان کاملک روحانیتہ عین بصیرتہ ناظر اولان سالک
 اوروجانیتہ مشاہدہ حقہ بولنور . بورابطہ ایله شیوخ وصیّیان
 احیاء و اموات استفاضہ ایدر . زیرا رابطہ محبت مستفیضی مفیضک
 روحانیتک ولایتی تصرفک تحتہ ادخال ایدر . روحانیت مذکورہ
 مستفیضہ تصرف ایدر ، اوکا کمالات الہیہ و تجلیات ربانیہ بی افاضہ
 ایدر ، حضرات علیہ ایرشدر . بوابدہ مفیض و مستفیضک حی
 ومیت ، صغیر و کبیر اولسی و افاضہ و استفاضہ عارف اولوب اولماسی
 مساویدر .

استطراد : مزارات امواتہ رابطہ اتمک کیفیت

زائر مرید سالک نفسی علائق عنصریہ دن تخلیہ و باطنی قیودات
 طبعیہ دن اطلاق و قلبی علوم و نقوشدن و خواطر کونیہ دن تعریہ ایدر .
 میت مزورک روحانیتی کیفیات محسوسہ دن مجرد بر نور فرض و تصور
 ایدر . اومیتک فیوضاندن برفیض و احوالندن بر حال حصول بولنجیہ
 قدر او نوری قلبندہ محافظہ ایدر ؛ زیرا کمال اولیانک روحانیتی منبع
 فیوضاندر . منبعی قلبندہ ادخال ایدن اللہ فیضہ نائل اولور .

زائر مستفیض مزور مفیضک قبرینک قبریندہ بولنورسہ اولان
 سلام و پر آفاق اوجنہ قرب طرف یمیندہ توقف ایدر . حال
 حیاندہ کی وضعیتی محافظہ ایدر . برقحہ و اون رعد اخلاص اوقور .
 ثوابنک مثلنی میتہ ہبہ ایدر . اوتورور ، استفاضہ طریقہ قبردہ کی